



JUDISIAL SYSTEM MONITORING PROGRAMME

PROGRAMA DE MONITORIZASAUN SISTEMA JUDISIAL

Komunikadu Imprensa

Periodu : 2010

Edisaun: 01 Ootobru 2010

JSMP realiza workshop konabá Atendementu husi profesional Saúde no Advogadu ba Asuntu Lei Kontra Violénsia Doméstika

Iha loron 01 Fulan Ootobru 2010, Judisial System Monitoring Programme liu husi Unidade Justisa ba Feto, realiza programa workshop nasional konabá atendementu husi profisionál saúde no advogadu konabá Lei Kontra Violénsia Doméstika. Partisipantes ne'ebé partisipa iha workshop ne'e mak hanesan médiku, profisional saude no advogadu sira. Estimasaun total partisipantes entre 40 to'o 50.

Workshop ne'e fasilita husi Sr. Dr. Silverio Pinto Baptista, nu'udar Adjuntu Provedor ba Direitus Umanus no Justisa, Sr. Dr. Rui Maria de Araujo, nu'udar Embaixador boa vontade no advogadu ba eliminasaun violénsia hasoru feto, ne'ebé mak antes ne'e mos nu'udar eis Ministru de Saúde, Sra. Dra. Maria Agnes Bere, nu'udar advogada no promovedora eliminasaun violénsia hasoru feto iha divizaun unidade suporta ba administrasaun no Justisa iha UNMIT

Direitór JSMP Luis de Oliveira Sampaio hateten katak *“Programa workshop ne'e ho objetivu atu hametin profesionalidade husi parte Saúde no Legal, ne'ebé konsidera hanesan entidades ne'ebé mak serbisu besik liu ba vítima violénsia doméstika hodi nune'e bele kumpriende no aplika Kódigu Penál no Lei Kontra Violénsia Doméstika foun, tuir enkuadramentu direitus umanus. Workshop ne'e mos ho intensaun atu hametin relasaun servisu koperasaun profisionál entre profisionál saude no advogadu atu fornese assistensia integradu ba vítima sira violensia doméstika iha futuru nomos fornese assistensia ba vítima violénsia doméstika bazea ba responsabilidade ne'ebé mak regula ona iha lei, liu-liu Lei kontra Violénsia Doméstika”*.

Programa workshop ne'e nudar pasu dahuluk hodi loke dalan mos ba programa workshop iha area rejiaun sira seluk hanesan Baucau, Suai, no Oe-Cusse ne'ebé sei realiza iha futuru.”
Objetivu jeral husi workshop ne'e mak atu disponibiliza profisionál sira saúde no profisionál sira legál nian atu, kumpriende Timor Leste ninia kadru legál ne'ebé relasiona ho violénsia doméstika, hetan abilidade/skil ne'ebé persiza atu investiga, analiza no dokumenta ba abuzu sira ne'ebé relasiona ho krimi violensia doméstika no kumpriende importansia husi sira nia papel profisionál hodi resolve violensia doméstika.

JSMP espera katak, workshop ne'e bele lori pasu positivu servisu husi profisionál saude no advogado atu bele oferece servisu no atendentu ne'ebé mak adekuaadu ba vítima violénsia doméstika tuir mekanizmu servisu ne'ebé mak regula ona iha lei kontra violénsia doméstika.

Atu hetan informasaun kompleitu kontaktu;

Luis de Oliveira Sampaio

Direitór Ezekutivu JSMP

Telef: 3323883/7295795

Email: luis@jsmp.minihub.org